

Surat khabar: Utusan Borneo (Horizon)  
 Hari/Tarikh: 16/2/2016  
 Muka surat: A2

Tajuk : Warga UNIMAS prihatin nasib mangsa ditimpa musibah

# Warga UNIMAS prihatin nasib mangsa ditimpa musibah

**BERAT** mata memandang berat lagi bahu memikul menyebabkan Persatuan Pengurus UNIMAS (PPU) bersama wakil staf dan pelajar Universiti Malaysia Sarawak (UNIMAS) telah turun padang memberi sumbangan kepada mangsa banjir di sekitar kawasan Kuching.

Menurut satu kenyataan kelmarin, seramai lebih 5,000 mangsa banjir telah ditempatkan di 22 Pusat Pemindahan Banjir di sekitar Kuching dan Bau.

Justeru, pihaknya telah menghulurkan bantuan dalam bentuk minuman, makanan dan khidmat tenaga di dua pusat pemindahan banjir iaitu di Dewan Suarah Kuching dan Dewan Tupong Jaya.

Pusat pemindahan banjir di Dewan Suarah Kuching telah menempatkan seramai 779 mangsa banjir baru-baru ini, apab la hujan lebat mengakibatkan banjir khususnya di kawasan Kampung Kudei Lama dan Kampung Kudei Baru.

Manakala pusat pemindahan banjir di Dewan Tupong Jaya menempatkan seramai 332 orang mangsa.

PPU yang diketuai oleh Presidennya, Mohd Husaini Noorjaya Chew, Pendaftar UNIMAS Abu Bakar Ibrahim dan wakil



**PRIHATIN:** UNIMAS menyampaikan sumbangan kepada mangsa kebakaran di Tambirat pada November tahun lepas.

Majlis Perwakilan Pelajar telah menyerahkan sumbangan berupa 100 kotak air mineral dan 50 kotak biskut.

Wakil UNIMAS yang hadir juga telah memberi khidmat kaunseling kepada mangsa-mangsa banjir serta program sokongan emosi bersama kanak-kanak yang terlibat di pusat pemindahan sementara tersebut.

Di samping itu, wakil UNIMAS bersama pihak NGO dan Jabatan Kebajikan Masyarakat (JKM) telah bekerjasama memasak dan menyediakan hidangan kepada semua mangsa di pusat berkenaan.

"Tabung UNIMASku Sayang yang telah diwujudkan tahun lepas merupakan inisiatif UNIMAS untuk

membantu komuniti yang memerlukan.

"Antara bantuan yang telah dilaksanakan menggunakan tabung ini ialah bantuan mangsa-mangsa banjir di Pahang dan Kelantan pada tahun lepas serta mangsa kebakaran di Kampung Asajaya Ulu pada November 2015 dan kebakaran yang melibatkan kediaman

dua beradik di Kampung Tambirat pada Januari baru-baru ini," kata Abu.

Kerjasama erat pegawai-pegawai Bilik Gerakan Daerah Kuching, JKM, Jabatan Pertahanan Awam Malaysia, Ketua Kampung dan UNIMAS telah melancarkan semua urusan dan meringankan sedikit beban yang ditanggung oleh mangsa-mangsa banjir tersebut.